

## a rierbula

Una rierbula cantava nant'à una roda  
U giru di u mondu.

Una rierbula cantava nant'à una vita  
L'eternità è l'infinitu.

Una rierbula cantava nant'à u to visu  
U paradisu di u to core.

Una rierbula cantava nant'à un solcu  
A strada di un populu, chi vulia nant'à a  
so terra pace è libertà.

Una rierbula cantava a morte  
Chi pianu pianu s'appiccica nant'à l'omu  
Cume quandu u sole arruchja a stanza nuda  
Pè a finestra spalancata.

Ma a rierbula ùn canta più  
Si n'hè andata nant'à un batellu apertu  
Pè l'ultimu mughju di u so populu.

A. L. SANTUCCI

Novembre '79

## speranza libera

Un nodu in u corre  
U core di l'amore

Un nodu in u corpu  
U corpu di a mimoria

Un nodu in a mente  
A mente di u ventu

Un nodu in a terra  
A terra di u populu

Un ghjornu u nodu si sfarà  
A speranza rinascerà.

A. L. Santucci  
Ghjennaghju '80

## \* fiore estrosu

Wer zeigt mit Fingern auf einen  
Geruch ? R. M. RILKE

Chi ditu pò mustrà l'odore  
di a rosula attempu sbucciata ?  
Si stamane ùn t'agghiu basgiata,  
è ch'éo timia un altru amore.

Dimmi, ùn sprudò dunque e so' pene  
l'oziu estrosu dund'e tu nasci ?  
L'anima - avale- che tu pasci  
si jimba ae to' note serene.

Si tu chi parli ? Ella chi scrive ?  
Nimu sa ciò ch'in noi s'asconde.  
Chi c'è sottu ? Zitta, ùn risponde.  
Nunda ?... Ma si l'omu ne vive !

Anton Francesco FILIPPINI

Lingua locu di a mo mente  
Lingua casa di ricordu amaru  
Lingua streppata !  
Lingua arradicata !

Ti vegu ti sentu ti portu in me  
Cume l'alba chi nasce  
Cume l'atrechju chi nasce  
Cume a morte ti piglia

Lingua rifiatu di tante lotte  
Agrottu di tante speranze  
Lingua casa di u mo populu !

Petru ALBERTINI

Febraghju '8.

(Incu l'autorizzazione di l'editore ).